

白居易年譜稿下

花房英樹

元和十三年戊戌

四十七歲

(西紀八一八)

春、行簡自梓州至。

有得行簡書聞欲下峽先以此寄 1026 云、朝來又得東川信、欲取春初發梓州。又有對酒示行簡 0327 云、兄弟唯二人、遠別恒苦悲。今春自巴峽、萬里平安歸。季弟幼美、貞元八年夭。大兄幼文、元和十二年卒。今存者居易與行簡。汪譜、對酒詩、繫之元和十五年誤。

夏、有湖亭與行簡宿詩。

詩 1068 云、水檻虛涼風月好、夜深唯共阿怜來。汪立名注云、阿怜行簡小字也。按金澤文庫本、阿怜作阿連。用謝靈運呼弟惠連曰阿連故事也。汪說恐非。

有時到廬山宿草堂。

有晚題東林寺雙池 1014·山中戲問韋侍御 1061·題遺愛寺前溪松 1078·廬山草堂夜雨獨宿寄牛二李七庾三十二員外 1079 諸詩。牛二名僧孺。李七名宗閔。庾三十二名敬休。寄牛二等詩云、蘭省花時錦帳下、廬山雨夜草菴中。

女生。

元和十五年作初除尚書郎脫刺史緋 1175 云、無奈嬌癡三歲女、纓腰啼哭覓銀魚。自到潯陽生三女子因詮真理用遣妄懷 1087 云、遠謫四年徒已矣、晚生三女擬如何。第一女名阿羅。此女乃爲第三女歟。其名亦不詳。

七月八日、有江州司馬廳記

記 1471 云、予佐是郡、行四年矣。

冬、有唐撫州景雲寺故律大德上弘和尚石塔碑銘。

序 1462 云、東林寺僧雲臯等、請司馬白居易作先師碑。十三年冬成。十二月二十日、除忠州刺史。

見元和十四年作忠州刺史謝上表 2003。有自江州司馬授忠州刺史仰荷聖澤聊書鄙誠 1089。又有除忠州後寄謝崔相公 1090 云、提拔出泥知力竭、吹虛生翅見情深。崔相公謂群。初除官蒙裴常侍贈鶴銜瑞草緋袍魚袋因謝惠貺 1091。裴常侍名堪。初著刺史緋答友人見贈 1093。是歲有三謠。一曰蟠木謠、二曰素屏謠、三曰朱藤謠。

朱藤謠 1430 云、二年踏遍匡廬間、未嘗一步而相捨。

元和十四年己亥 四十八歲 (西紀八一九)

春、東林寺經藏西廊成、居易作記。

記 1477 云、予作景雲律師塔碑成。景雲弟子饋絹四百匹。予以法施

淨財、義不已有、即日移用作藏西廊。末云、十四年月日、忠州刺史

白居易。

發江州。

有別草堂三絕句 1095 ~ · 潯陽宴別 1099 等諸篇。

途上會鄂州刺史鄂岳觀察使李程於武昌。

有行次夏口先寄李大夫 1101 · 重贈李大夫 1102。李程是翰林時同事。

行簡同行。

有自江州赴忠州行至江陵已來途中示舍弟五十韻 1104 云、共載皆妻

子、同遊即弟兄。

三月十一日、到夷陵。時元稹由通州司馬移虢州長史。不期而遇。三人

三宿而別。有七言十七韻詩、又有三遊洞序。

詩 1107 云、一別五年方見面、相攜三宿未廻船。序 1478 云、以吾

三人始遊、故目爲三遊洞。

二十八日、到忠州。

見忠州刺史謝上表 2003。又有初到忠州贈李六 1110。李六名景儉。

見舊唐書李景儉傳。

四月、於鳴玉谿看木蓮樹、命道士毋丘元志寫爲圖、寄元宗簡。

有木蓮樹三絕句 1117 ~、又有畫木蓮花圖寄元郎中 1127。元郎中謂

宗簡。舊唐書本傳云、好事者、喧然摸寫。

九日、以李師道就戮、有賀平淄青表 2004。

與萬州刺史楊歸厚、以詩贈答。

有初到忠州登樓寄萬州楊八使君 0528 · 寄胡餅與楊萬州 1124 · 和萬

州楊使君四絕句 1134 ~ · 寄題楊萬州四望樓 1163 · 答楊使君登樓見

憶 1154 · 南賓郡齋即事寄萬州 0533。楊歸厚、見楊歸厚授唐州刺史

制 1590。

七月十三日、有賀上尊號後大赦天下表 2005。

是歲有竹枝詞四首 1148 ~。

別有聽竹枝贈李侍郎 1233 云、巴童巫女竹枝歌、懊惱何人怨咽多。

又爲僧惟寬作長安興善寺傳法堂碑。

碑 1491 云、居易爲贊善大夫時、嘗四詣師、四問道。

元和十五年庚子 四十九歲 (西紀八一〇)

正月憲宗崩、閏正月穆宗即位。

春有聞雷 · 春至 · 感春 · 春江四首。

春江 1159 云、閉閣只聽朝暮鼓、上樓空望往來船。鶯聲誘引來花下、

草色勾留坐水邊。

種花樹於東坡。

有東坡種花第一 0548 云、持錢買花樹、城東坡上栽。第11 0549 云、

東坡春向暮、樹木今何如。又云、養樹既如此、養民亦何殊。高鶴見

聞搜玉云、蘇公居黃州、稱東坡居士。蓋慕白公樂天而云然也。白公

有東坡種花詩、又步東坡詩、又別東坡花樹詩。皆刺忠州時作也。

夏初、命工吏畫荔枝圖、作荔枝圖序。

序 1490 云、元和十五年夏。詠荔枝詩不少。題郡中荔枝詩十八韻兼

寄萬州楊八使君 1131·重寄荔枝與楊使君時聞楊使君欲種植故有落句戲之 1133·種荔枝 1139。楊萬州謂歸厚。

除尙書郎、發忠州。

商山路有感詩序 1310 云、前年夏、予自忠州刺史除尙書郎歸朝。是詩序係長慶二年作。諸本無尙字郎字、朝作闕。今從蓬左文庫本。發白狗峽次黃牛峽登高寺却望忠州 1180 云、巴曲春全盡、巫陽雨半收。是景屬四月。發忠州時、正是夏初。舊唐書本傳云、其年冬、召還京師、拜司門員外郎。陳譜·汪譜俱從舊唐書本傳。万曼白居易傳云、有留題開元寺上方·別種東城花樹·發白狗峽次黃牛峽登高却望忠州詩、都說的是春天。但是如果說白居易是元和十五年冬拜命、十六年春才從州返京、可是論重考科目人狀及改官主客郎中制、却都是十五年十二月事。疑莫能明姑仍依傳·譜未做改动。万說亦不精。拜命、爲十五年夏初、則無不通。

經三峽、由商山路返京。

有棗華驛見楊八題夢兄弟詩 1181·商山路有感 1182·商山路驛桐樹昔與微之前後題名處 1183。楊八名虞卿。

秋有續虞人箴。

諸本、題下注元和十五年。金澤文庫本、年下有秋獻二字。當從金澤文庫本。箴 1427 云、噫、逐獸于野、走馬于路、豈不快哉。銜轍可懼。噫、夜歸禁苑、晨出皇都、豈不樂哉。寇戎可虞。臣非獸臣、不當獻箴。輒思出位、敢諫從禽。新唐書本傳云、以諷穆宗。

十二月、共李虞仲爲重考定科目官。

有論重考科目人狀 1985 云、今吏部祇送十人、數且非廣。其中更重

黜落、亦恐事體不弘。末云、十二月十三日、重考定科目官將仕郎守尙書司門員外郎臣白居易等狀奏。

二十八日、由司門員外郎、改授主客郎中知制誥。

見舊穆宗紀。元稹有白居易授尙書主客郎中知制誥云、朕嘗視其詞賦甚喜、與相如並處一時。由是召自南賓、序補郎位。會牛僧孺以御史丞解制誥職、嗣掌書命、人推爾先。時元稹爲祠部郎中知制誥。舊唐書本傳作長慶元年誤。長慶元年正月四日、有舉人自代狀 1986、末云、新授朝議郎守尙書主客郎中知制誥白居易。

有初除主客郎中知制誥與王十一李七元九三舍人中書同宿話舊感懷 1215。詩云、紫垣曹署榮華地、白鬢郎官老醜時。莫怪不如君氣味、此中來校十年遲。王十一名起。李七名宗閔。元九名稹。

長慶元年辛丑 五十歲 (西紀八二一)

春、有送侯權秀才序。

序 1481 云、去年冬、蒙不次恩、遷尙書郎。掌誥西掖、然青衫未解。又云、予始舉進士、與侯生俱爲宣城守所貢。

二月初、於新昌里買宅而入。

有竹窓 0569 云、今春二月初、卜居在新昌。未暇作廐庫、且先營一堂。開窓不糊紙、種竹不依行。新昌新居書事四十韻寄元郎中張博士 1259 云、丹鳳樓當後、青龍寺在前。元郎中謂宗簡。張博士謂籍。

又有題新居寄元八 1230·卜居 1229·題新昌所居 1234。長慶二年有庭松 0568 云、去年買此宅、多爲人所哈。一家二十口、移轉就松來。

二月十七日、元稹授中書舍人、仍充翰林學士。居易有制詞。

制詞 1577 云、能芟繁詞剗弊句、使吾文章言語與三代同風。長慶三

年作餘思未盡加爲六韻重寄微之 2319 云、走筆往來盈卷軸、除官遞五掌絲綸。自注云、予除中書舍人、微之撰制。微之除翰林學士、予撰制詞。

二月二十三日、李建歿於修行里第。五月十日、居易祭建。有祭文 1453。二十五日、歸葬鳳翔。有有唐善人墓碑銘。

舊唐書穆宗紀作二月壬辰。元稹李公墓誌銘作二月二十有三日。今從文集。碑銘序 1458 云、傳曰、善人國之紀也。語曰、善人吾不得而見之矣。噫、善人之稱難乎哉。獨加於公無愧焉。元稹有與樂天同葬杓直詩。杓直爲李建字。

三月二十三日、與中書舍人王起、重試錢微下及第鄭朗等十四人。見舊穆宗紀。四月十日、與王起作論重考試進士事宜狀。

狀 1987 云、自欲重試進士已來、論奏者甚衆。伏計煩黷聖聽之外、必以爲或親或故、同爲黨庇。又云、儻陛下垂仁察之心、降特達之命、明示瑕病、以表無私、特全身名、以成大體。如此則進士等知非而愧恥、其父兄等、感激而戴恩。

夏、與元宗簡同制加朝散大夫、轉上柱國。妻楊氏亦授弘農郡君。

有初加朝散大夫又轉上柱國 1240。又有酬元郎中同制加朝散大夫書懷見贈 1236 云、命服雖同黃紙上、官班不共紫垣前。青衫脫早差三日、白髮生遲校九年。又云、五品足爲婚嫁主、緋袍着了好歸田。有妻初授邑號告身 1245 云、我轉官階常自愧、君加邑號有何功。

八月十三日、以魏博節度使田布、贈絹五百匹、居易却還。有讓絹狀 1988。

秋、與王建始贈答。

有寄王祕書 1254。時、建自太府丞、改爲祕書郎。居易有制詞 3802。太和初年、又有送陝州王司馬建赴任 2618。別陝州王司馬 2721。弟行簡授拾遺。有詩。

有行簡初授拾遺同早朝入閣因示十二韻 1241 云、宿雨沙堤潤、秋風樺燭香。

十月十九日、授中書舍人知制誥。

見舊唐書穆宗紀。曲江感秋序 0572 云、前年遷主客郎中知制誥、未周歲、授中書舍人。

十一月二十八日、與陳岵·賈餗爲制策考官。

見舊穆宗紀。唐會要制科舉云、長慶元年十二月、賢良方正能直言極諫科龐嚴·任晁·呂述·姚中立·韋曙·李回·崔嘏·崔龜從·韋正貫·崔知白·陳元錫及第。軍謀宏達材任將帥科吳思·李商卿及第。

獨孤朗·溫造·李肇·王鎰、坐李景儉飲酒詆宰相事、左降。居易欲救之。十二月十一日、有論左降獨孤朗等 1989。

是歲、從祖弟白敏中、進士及第。有感而成篇。

有喜敏中及第偶示所懷 1260 云、桂折一枝先許我、楊穿三葉盡驚人。又云莫學爾兄年五十、蹉跎始得掌絲綸。

長慶二年壬寅 五十一歲 (西紀八二二)

諸道討王庭奏、半年無功。正月五日、居易上奏、請專用裴度·李光顏。有論行營狀 1990。一曰請專委李光顏東面討逐委裴度四面臨境招諒事。二曰請抽揀魏博澤潞易定滄州四道兵馬分付光顏事。三曰請勒魏博等四道兵馬卻守本界事。

春、元宗簡歿。有詩。

有元家花 1270 云、失却東園主、春風可得知。又有予與故刑部李侍郎早結道友以藥術爲事與故京兆元尹晚爲詩侶有林泉期周歲之間二君長逝李住曲江北元居昇平西追感舊遊因貽同志 1266 云、從哭李來傷道氣、自亡元後減詩情。李侍郎謂建。長慶元年二月歿。晚歸有感 0571 云、劉曾夢中見、元向花前失。自注云、劉三十二校書歿後、嘗夢見之。元八少尹、今春櫻桃花時長逝。劉三十二名敦質。長慶元年秋作慈恩寺有感 1262 云、李家哭泣元家病。自注云、時杓直初逝、居敬方病。居敬名宗簡。寶曆元年、有故京兆元少尹文集序 2912。序中云、長慶三年冬、疾彌留。作三年誤。

二月十九日、元稹同平章事。居易爲稹作謝官表。

有爲宰相謝官表 2012。自注云、爲微之作。表云、臣才本庸淺、遭遇盛明。天心自知、不因人進。擢居禁署、訪以密謀。恩獎太深、讒謗並至。雖內省行事、無所愧心、然上黷宸聽、合當死責。

五月十日、有論姚文秀打殺妻狀 1995。

時、與張籍·韓愈、以詩贈答。

有和韓侍郎苦雨 1238。久不見韓侍郎戲題四韻以寄之 1261。張十八祕書謝裴相公寄馬 1211。又是歲有同韓侍郎遊鄭家池吟詩小飲 0570。和韓侍郎題楊舍人林池見寄 1263。酬韓侍郎張博士雨後遊曲江見寄 1269。曲江獨行招張十八 3678。喜張十八博士除水部員外郎 1275 等。韓愈有早春與張十八博士籍遊楊尚書林亭寄第三閣老兼呈白馮二閣老·同水部張員外曲江春遊寄白二十二舍人。張籍有謝裴司空寄馬·酬白二十二舍人早春曲江見招·新除水曹郎答白舍人見賀。

崔韶歿。有詩。

有晚歸有感 0571 云、朝弔李家孤、暮問崔家疾。自注云、時李十一侍郎諸子、尙居憂。崔二十二員外、三年臥病。商山路有感 1310 云、杓直泉埋玉、虞平燭過風。虞平爲崔韶字。序云、今年予自中書舍人授杭州刺史。又由此途出。二君已逝、追歎興懷、慨然成詠。韶、七月初已歿。

爲戶部侍郎張平叔作祖父擇神道碑銘、父誠神道碑銘。

有唐故通議大夫和州刺史吳郡張公神道碑銘 1459。唐贈尚書工部侍郎吳郡張公神道碑銘 1460。工部侍郎張誠神道碑 云、居易常辱戶部遊、而知其家事。故見託撰述。時平叔由御史大夫改授戶部侍郎。居易有制詞 1520。

有衰病無趣因吟所懷詩。

詩 0576 云、況當尙少朝、彌慙居近侍。又云、終當求一郡、聚少漁樵費。合口便歸山、不問人間事。

七月十日、遊曲江有感。作曲江感秋二首。

序 0572 云、今遊曲江、又值秋日。風物不改、人事屢變。況予中否後遇、昔壯今衰。慨然感懷、復有此作。噫、人生多故、不知明年秋、又何許也。時、元稹赴任同州。見拙稿元稹年譜稿。

十四日、除杭州刺史。

見杭州刺史謝上表 2006。有初罷中書舍人 1308。陳譜云、舊史云、時河朔復亂。數上疏論其事、天子不能用。遂求外任。蓋穆宗荒縱、宰相王播·蕭俛·杜元穎·崔植等、皆齷齪無遠略。宜公之不樂居朝也。墓碑云、貶杭州。杭州大藩、不得言貶。

汴路不通、取襄漢路赴任。

有初出城留別 0336。長慶二年七月白中書舍人出守杭州路次藍溪作 0335 云、青山峯巒接、白日煙塵起。東道既不通、改轅遂南指。自秦窮楚越、浩湯五千里。又有商山路有感 1310。初下漢江舟中作寄兩省給舍 0353。鄂州贈別王八使君 1318。自蜀江至洞庭湖口有感而作 0354。王八名鑑。見論左降獨孤朗等狀 1989。

到江州、與李渤會、訪廬山草堂。

有重到江州感舊遊題郡樓十一韻 1320。贈江州李十使君員外十四韻 1321。又有題別遺愛草堂兼呈李十使君一首 1322。第一云、五年方暫至、一宿又須迴。

十月一日到杭州。

有杭州刺史謝上表 2006 云、水陸七千餘里、晝夜奔馳、今月一日到本州。長慶三年作予以長慶二年冬十月到杭州 1385。又有初領郡政衙退登東樓作 0355。初到郡齋寄錢湖州李蘇州 1338。錢湖州謂微。李蘇州謂諒。陳譜云、語林云、替嚴休復。

長慶三年癸卯 五十一歲 (西紀八二二)

屢遊西湖。

有錢塘湖春行 1349。題孤山寺山石榴花示諸僧衆 1356。西湖晚歸迴望孤山寺贈諸客 1361。湖中自照 1362。杭州春望 1364。湖亭晚歸 1366。孤山寺遇雨 1369。湖上夜飲 1371 等諸篇。

秋初病。

有新秋病起 1375 云、捐心詩思裏、伐性酒狂中。又有病中途秋招客夜酌 0366 云、不見詩酒客、臥來半月餘。合和新藥草、尋檢舊方書。

七月十六日、以夏少雨、祈臯亭神。

有祭文 1455 云、長慶三年歲次癸卯。又云、一昨禱伍相神、祈城隍祠。靈雖有應、雨未霑足。諸本作長慶二年、今從文苑英華。八月二日、祭龍乞雨。又十七日、祭仇王神乞服暴虎。俱有祭文。禱仇王神文 1454 云、維長慶三年、歲次癸卯。諸本作二年誤。八月十三日、遊靈隱寺冷泉亭、作其記。

記 1482 云、虛白·候仙·觀風·見山·冷泉之五亭相望。又云、冷泉、最餘杭而甲靈隱。按亭是元稹所作。時有詠候仙亭·虛白亭詩。

九月、遊恩德寺、看泉洞竹石。

有予以長慶二年冬十月到杭州 1385。序云、籍甚久矣。及茲日擊、果愜心期。因自嗟云、到郡周歲、方來入寺、半日復去。共行者、盧賈·周元範·蕭悅·崔求·劉方輿。

十月中旬、同州刺史元稹、移浙東觀察使越州刺史、過杭州。

長慶四年作除官赴闕偶贈微之 2351 云、去年十月半、君來過浙東。居易與元稹、以詩贈答。

有元微之除浙東觀察使喜得杭越隣州先贈長句 2311。席上答微之 2312。答微之上船後留別 2313 諸詩。

元稹既至越後、以詩筒往來。

有醉封詩筒寄微之 2323 云、爲向兩川郵吏道、莫辭來去遞詩筒。又長慶四年作微之唱和來去常以竹筒貯詩陳協律美而成篇因此答 2340 云、揀得琅玕截竹筒、緘題章句寫心胸。當時唱酬作、多是次韻詩。

元稹有郡務稍閑因得整比舊詩并連綴焚削封章繁委篋筒僅逾百軸偶成自歎因寄樂天、用詩·悲·絲·時·誰韻字。居易有酬微之 2318、依次用韻作。居易亦又有餘思未盡加爲六韻重寄微之 2319、用身·倫·

臣·綸·新·塵·人韻字。元稹酬之而作酬樂天餘思不盡加爲六韻作、依次用韻。見拙稿元白唱和集稿。是年、集合歌妓、教習霓裳羽衣曲。

寶曆元年作霓裳羽衣歌 2902 云、移領錢塘第二年、始有心情問絲竹。玲瓏箜篌謝好箏、陳寵鑿築沈平笙。清絃脆管纖纖手、教得霓裳一曲成。虛白亭前湖水畔、前後祇應三度按。按玲瓏·謝好·陳寵·沈平皆杭州妓名。有醉歌 0607 云、玲瓏再拜歌初畢、誰道使君不解歌。

寶曆元年作憶杭州梅花因敍舊遊寄蕭協律 2388 云、薛劉相次埋新隴、沈謝雙飛出故鄉。自注云、薛劉二客、沈謝二妓、皆當時歌酒之侶。

長慶四年甲辰 五十三歲 (西紀八二四)

正月穆宗崩、敬宗即位。

春、崔玄亮爲湖州刺史來。居易以詩贈答。又與越州刺史元稹爲三州唱和。

有得湖州崔十八使君書喜與杭越隣郡因成長句代賀兼寄微之 2335。

又有早飲湖州酒寄崔使君 2338。湖州酒、崔玄亮所寄。湖上招客送

春汎舟 1402 自注云、時崔湖州寄新箬下酒來。按新唐書藝文志錄三州

倡和集一卷、注云、元稹·白居易·崔玄亮。

時病眼、病肺。

有自歎二首、第 1 1396 云、一毛曉落梳頭懶、兩眼春昏點藥頻。又

有病中書事 2339 云、氣嗽因寒風、風痰欲雨生。病身無所用、唯解

卜陰晴。

於錢塘湖、築隄捍湖、濬李泌六井。三月十日作記。

有別州民 2353 自注云、今春增築錢塘湖堤、貯水以防天旱。石記

2918 云、其郭中六井、李泌相公、典郡日所作、甚利於人。與湖相通、中有陰竇、往往壅塞。亦宜數察而通理之、則雖大旱而井水常足。末云、予在郡三年、仍歲逢旱。湖之利害、盡究其由。恐來者要知、故書於石。新唐書本傳云、民賴其汲。

五月四日、浙江水暴漲。壞敗廬舍、人墜墊溺。居易祭江神。有祭文 1457。

五月中旬、秩滿。除左庶子、尙留在杭州。

元稹白氏長慶集序云、樂天自杭州刺史、以右庶子詔還。陳譜從元序作右庶子。今從舊唐書本傳。有三年爲刺史二首、第 1 0373 云、三年爲刺史、無政在人口。又有除官去未閑 0372 云、除官去未閑、半月恣遊討。朝尋霞外寺、暮宿波上島。陳譜云、唐語林云、公罷杭、俸多留官庫。繼守者、公用不足、則假而復填、如是五十餘年。及黃巢至郡、文籍多焚、其俸乃亡。

月末去杭州。

有別州民 2353 云、唯留一湖水、與汝救凶年。

由汴河路、宿淮口、經常州、過埭橋。

有自餘杭歸宿淮口作 0376·看常州柘枝贈賈使君 2359·汴河路有感

2360·埭橋舊業 2361·茅城驛 2362。賈使君謂陳。埭橋在符離。

秋、到洛陽、卜居履道里、得田氏所有故散騎常侍楊憑舊宅而居之。家在崔群北鄰。

先有欲到東洛得楊使君書因此報 2366。有洛下卜居 0378 云、未請中庶祿、且脫雙驂易。自注云、買履道宅、價不足。因以兩馬償之。

求分司東都寄牛相公十韻 2377 云、王尹賈將馬、田家賣與池。履道

新居十韻 2379 云、履道坊西角、官河曲北頭。題新居寄宣州崔相公 2387 自注云、所居南隣、卽崔家池。寶曆元年作泛春池 0391 云、楊家去云遠、田氏將非久。天與愛水人、終焉落吾手。自注云、此池、始楊常侍開鑿。中間田家爲主。予今有之。求分司東都而許。

有求分司東都寄牛相公十韻 2377。牛相公謂僧孺。僧孺、長慶三年三月、爲中書侍郎同平章事。元和三年、僧孺應科試時、居易爲制策考官。又有移家入新宅 0381 云、疾平未還假、官閑得分司。幸有祿俸在、而無戰役羈。宅地方十七畝。屋室三之一、水五之一、竹九之一。而島樹橋道間之。其詳見于池上篇序 2928。十一月十日、元稹作白氏長慶集五十卷序。

元稹序云、長慶四年、樂天自杭州刺史、以左庶子詔還。予時刺會稽、因得盡徵其文。手自排纘、成五十卷、凡二千一百九十一首。前輩多以前集中集爲名。予以爲陛下明年當改元。長慶訖於是。因號曰白氏長慶集。按長慶三年、稹已編元氏長慶集百卷。於是居易亦編次五十卷、去杭州時、寄送稹也。

敬宗寶曆元年乙巳、 五十四歲 (西紀八一五)

春、葺新居、憑王起修橋。

有春葺新居 0389 云、平旦領僕使、乘春親指揮。又有題新居呈王尹兼簡府中三掾 2399 云、弊宅須重葺、貧家乏羨財。橋憑川守造、樹倩府寮栽。王起、長慶四年九月、爲河南尹。

時、與皇甫鏞、皇甫湜往來。

有酬皇甫庶子見贈 2371 · 贈皇甫庶子 2392 · 與皇甫庶子同遊城東 2405

· 寄皇甫七 2409 · 訪皇甫七 2410 等。皇甫庶子謂鏞。爲太子庶子分司。皇甫七名湜。

三月四日、授使持節蘇州諸軍事、守蘇州刺史。

有蘇州刺史謝上表 2919。表云、國用多出江南。江南諸州、蘇最爲大。兵數不少、稅額至多。

三月二十九日、發洛陽、過汴州、渡淮水、經常州、五月五日到蘇州。

有除蘇州刺史別洛城東花 2411 云、老除吳郡守、春別洛陽城。寶曆二年作三月二十八日贈周判官 2465 云、柳絮送人鶯勸酒、去年今日別東都。又有奉和汴州令狐令公 2412 云、二年方得到、五日未爲淹。令狐公謂中書令令狐楚。楚、長慶四年九月、爲宣武軍節度使。渡淮 2415 云、春浪掉聲急、夕陽帆影殘。又有赴蘇州至常州

答賈舍人 2416 · 去歲罷杭州今春領吳郡 2417。賈舍人謂餗。到蘇州有蘇州刺史謝上表。

從州務。七月始命宴。

有郡齋旬假命宴呈座客示郡寮 2194 云、下車已三月、開筵始今晨。

七月二十日、作吳郡詩石記。

記 2916 云、韋在此州、歌詩甚多。有郡宴詩云、兵衛森畫戟、燕寢凝清香。最爲警策。今刻此篇于石、傳貽將來。因以予旬宴一章亦附於後。雖雅俗不類、各詠一時之志。偶書石背、且償其初心焉。韋謂應物。韋之郡宴詩、是郡齋雨中與諸文士燕集詩。白之旬宴一章、是郡齋旬假命宴呈座客示郡寮詩。

病假十五日。

有北亭臥 2197 云、樹綠晚陰合、池涼朝氣清。又云、病假十五日、

十日臥茲亭。明朝吏呼起、還復視黎甿。

秋、遊太湖、採橘獻上。

有早發赴洞庭舟中作 2439 云、漸看海樹紅生日、遙見包山白帶霜。

宿湖中 2440 云、十隻畫船何處宿、洞庭山脚太湖心。有泛太湖書事

寄微之 2443。夜泛陽塢入明月灣卽事寄崔湖州 2442 諸詩。又有揀

貢橘書情 2441 云、洞庭貢橘揀宜精、太守勤王請自行。張彤·周元範

共有和白太守揀橘。

元稹寄長歌霓裳羽衣譜。居易和之、作霓裳羽衣歌。

歌 2202 云、今年五月至蘇州、又云、秋來無事多閑悶。

與元稹·崔玄亮唱和。又與劉禹錫贈答。

有答劉和州 2414。酬劉和州戲贈 2447 諸詩。劉禹錫、時爲和州刺史。

時和李德裕詩。

有小童薛陽陶吹簫箏歌 2203。歌云、潤洲城高霜月明、吟霜思月欲

發聲。題下自注云、和浙西李大夫。李德裕、長慶二年爲浙西觀察使。

居易嘗在杭州時、作奉和李大夫題新詩一首 1383。

十一月、作故饒州刺史吳府君神道碑銘 2926。

吳府君謂丹。丹六月歿於饒州。十一月歸葬常州。序云、仲弟湖州長

史某、以予辱與其兄遊、旣爲同門生、又爲同舍郎、周知初終、託爲

碑紀。元和五年居易有贈吳丹 0196。集中屢見吳員外·吳郎中·吳七

等、悉是丹。

十二月十日、序元宗簡文集。

故京兆元少尹文集序 2912 云、語其子途云、吾平生酷嗜詩、白樂

天知我者。我歿、其遺文得樂天爲之序、無恨矣。序中有二詩。集中

題故元少尹集後一首 2216。

是歲、行簡爲主客郎中。有詩。

有聞行簡恩賜章服喜成長句寄之 2435 云、吾年五十加朝散、爾亦今年

賜服章。齒髮恰同知命歲、官銜俱是客曹郎。

又有如信大師功德幢記。

記 2914 云、有唐東都臨壇開法大師。大師號如信。嘗在洛陽聖善寺。

寶曆二年丙午 五十五歲 (西紀八二六)

十二月敬宗崩、文宗卽位。

正月有歲日家宴戲示弟姪等兼呈張侍御二十八丈殷判官二十三兄 2453。

詩云、弟妹妻孥小姪甥、嬌癡弄我助歡情。歲盡後推藍尾酒、春盤先

勸膠牙餠。張侍御等、皆杭蘇判官。屢見集中。但殷判官非殷堯藩。

三日有閑行詩。

詩 2454 云、綠浪東西南北水、紅欄三百九十橋。

春有花前歎詩。

詩 2209 云、前歲花前五十二、今年花前五十五。又云、幾人得老莫

自嫌、樊李吳韋盡成土。前歲花前五十二、指長慶三年、有二月五日

花下作。彼詩云、二月五日花如雪、五十二人頭似霜。樊謂宗師。李

謂景儉。吳謂丹。韋謂顥。丹寶曆元年六月歿、顥亦十一月歿。

二月末、落馬傷足、臥三旬。

有馬墜強出贈同座 2459 云、足傷遭馬墜、腰重倩人攬。祇合窓間臥、

何因花下來。坐依桃葉妓、行呷地黃盃。桃葉、見會昌元年作對酒有

懷寄李十九郎中 3494。詩云、往年江外拋桃葉、去歲樓中別柳枝。自

注云、桃葉、結之也。柳枝、樊蠻也。結之謂陳結之。又見結之 2698。

時亦有病中多雨逢寒食 2462 云、三旬臥度鶯花月、一半春銷風雨天。夏、以青石白蓮寄洛陽宅。

有蓮石 2476 云、青石一兩片、白蓮三四枝。寄將東洛去、心與物相隨。五月末、以眼病肺傷、請百日假。

有眼病第一首 2477 云、散亂空中千片雪、蒙籠物上一重紗。第二首云、眼藏損傷來已久、病根牢固去應難。又有九日寄微之 2484 云、眼

暗頭風事事妨、遠離新菊爲誰黃。閑遊日久心慵倦、痛飲年深肺損傷。八月三十日、全吳館中、夢貶嶺南、泥雨中步行。

見寶曆二年八月三日夜夢後作 2507。

九月初、假滿、罷官。

有百日假滿 2483 云、心中久有歸田計、身上都無濟世才。長告初從百日滿、故鄉元約一年迴。又有河亭晴望 2495 云、郡靜官初罷、鄉

遙信未迴。明朝是重九、誰勸菊花盃。題下注云、九月八日。

遊松江、攜樂觀漁、登齊雲樓、於武丘寺宴別。

有晚起 2486·松江亭攜樂觀漁宴宿 2488·齊雲樓晚望題十韻 2493·

武丘寺路宴別留示諸妓 2498 諸詩。

九月二十五日、作華嚴經社石記 2915。

爲杭州龍興寺僧南操而作。末云、前蘇州刺史白居易撰。

稻花白時、將發蘇、作別蘇州詩。

答劉禹錫白太守行 2221 云、去年到郡時、麥穗黃離離。今年去郡日、稻花白霏霏。別蘇州 2222 云、青紫行將吏、斑白列黎氓。一時臨水

拜、十里隨舟行。

與劉禹錫、半月間遊廣陵。

有與夢得同登棲靈塔詩 2508 云、半月悠悠在廣陵、何樓何塔不同登。禹錫有同樂天登棲靈塔詩。時禹錫罷和州刺史、將赴長安。

十一月、發京口、北上二旬、到淮河、除日發楚州。

有自問行何遲 2224 云、前月發京口、今辰次淮涯。二旬四百里、自問行何遲。除日答夢得同發楚州 2225 云、共作千里伴、俱爲一郡迴。

禹錫有歲杪發楚州呈樂天。

冬、行簡歿。太和二年作祭弟文 2932 云、自爾去來、再周星歲。

文宗太和元年丁未 五十六歲 (西紀八二七)

春、過滎陽。

有宿滎陽 2230 云、生長在滎陽、少小辭鄉曲。迢迢四十載、復到滎陽宿。去時十一、今年五十六。

到洛陽、留履道里宅而閑遊。

有初到洛下閑遊 2521 云、詩攜綵紙新裝卷、酒典緋花舊賜袍。

三月十七日、除祕書監并賜金紫。

見舊文宗紀。有初授祕監并賜金紫閑吟小酌偶寫所懷 2527 云、紫袍

新祕監、白首舊書生。太和二年祭弟文 2932 云、吾去年春、授祕書

監賜紫。三教論衡 2920 云、祕書監賜紫金魚袋白居易。

與楊汝士·裴度·庾敬休等交遊。

有新昌閑居招楊郎中兄弟 2528·酬裴相公題興化小池見招長句 2537·

寄庾侍郎 2236 等諸篇。時楊汝士爲職方郎中、裴度爲宰相、庾敬休

爲吏部侍郎。

十月十日、文宗降誕日、於麟德殿內道場、興安國寺賜紫引駕沙門義林、

太清宮賜紫道士楊弘元、三教談論。

見三教論衡 2920。舊唐書本傳作九月誤。文宗元和四年十月十日生。見舊唐書本紀·唐會要帝號篇。

歲暮、使洛陽。

華城西北雉堞最高崔相公首創樓臺錢左丞繼種花果合爲勝境題在雅篇

歲暮獨遊悵然成詠 2544 云、況是寒天客、樓空無主人。崔相公謂群。

錢左丞謂微。又有奉使塗中戲贈張常侍 2545 云、共笑籃舁亦稱使、

日馳一驛向東都。張常侍謂散騎常侍張仲方。

於稠桑驛、愛馬斃死。

有小白馬乘馭多時奉使東行至稠桑驛溢然而斃足可驚傷不忘能情

2546。

在洛陽、與皇甫鏞·蘇弘·劉禹錫·姚合等交遊。

有酬皇甫賓客 2548 云、亦擬同攜手、城東略看春。答蘇庶子 2550 云、

偶作關東使、重陪洛下遊。又有早春同劉郎中寄宣武令狐相公 2554。

時劉禹錫爲主客郎中分司。劉夢得文集有洛中逢白監同話遊梁之樂因

寄宣武令狐相公·河南王少尹宅燕張常侍白舍人兼呈盧郎中李員外二

副使。又有姚侍御見過戲贈 2562。

太和二年戊申 五十七歲 (西紀八二八)

春遊龍門。

有龍門下作 2561 云、龍門澗下濯塵纓、擬爲閑人過此生。

發洛陽、過華州、歸長安。

有臨都驛答夢得六言二首、第一 2570 云、謝守歸爲祕監、馮公老作

郎官。劉禹錫有答樂天臨都驛見贈六言。

二月十九日、除刑部侍郎、封晉陽縣男。食邑三百戶。

白居易年譜稿下

陳譜作正月、從舊唐書本傳耳。今從舊唐書文宗紀。有微之就拜尚書
居易續除刑部因書賀意兼詠離懷 2581。元稹太和元年九月、除檢校
禮部尚書。太和三年春作和自勸二首第一 2566 云、秋官月俸八九萬、
豈徒遺爾身溫足。

與裴度·劉禹錫往來。

有答裴相公乞鶴 2586。裴度有白二十二侍郎有雙鶴留在洛下予西園

多野水長松可以棲息遂以詩請之。居易又有送鶴與裴相臨別贈詩 2626。

劉禹錫有和樂天送鶴上裴相公別鶴之作。又有杏園聯句 3728、裴度·

李絳·白居易·劉禹錫唱和。禹錫句云、二十四年流落者、故人相引

到花叢。白居易別有杏園花下贈劉郎中 2579 云、自別花來多少事、

東風二十四迴春。禹錫又有杏園花下酬樂天見贈。時禹錫爲集賢殿學

士。

秋、大有年、詔賜百寮出城觀稼。群臣有詩、居易亦作詩。

有太和戊申歲大有年詔賜百寮出城觀稼謹書盛事以俟采詩 2613。

成白氏後集五卷、作後序。

序 2993 云、前三年、元微之爲予編次文集而敘之。凡五秩、每秩十

卷。訖長慶三年冬。故號白氏長慶集。邇來復有格詩五十首、律詩三

百首、碑誌序記表贊三十首。以類相附、合爲五軸。又從五十一以降、

卷而第之。是時太和二年秋、予春秋五十有七。此文諸本有脫誤。悉

據宋性抄本校改。說見拙著白氏文集批判研究。

十月十五日、有元白因繼集重序。時因繼集二卷成。

序 2929 云、與足下和答之多、從古未有。足下雖少我六七年、然俱

已白頭矣、竟不能捨章句拋筆硯。何癖習如此之甚歟。

十二月、乞百日假。

有病假中龐少尹攜魚酒相過 2643 云、宦情牢落年將暮、病假聯綿日漸深。龐少尹謂嚴。祭弟文 2932 云、今已請長告、或求分司。卽擬移家、盡居洛下。亦是夙意、今方決行。養病撫孤、聊以終老。

月末有詠懷三首。

戊申歲暮詠懷三首第一 2713 云、窮冬月末兩三日、半百年過六七時。又云、猶被妻兒教進退、莫求致仕且分司。

三十日、祭行簡、有祭文。時爲行簡編次文集、勒成二十卷。題爲白郎中集。

祭弟文 2932。云、擬憑崔二十四舍人譔序。他日及吾文集、同付龜羅收傳。崔二十四舍人名咸。

太和三年己酉 五十八歲 (西紀八二九)

春、和微之詩四十二首成。

和微之詩二十三首序 2950 云、微之又以近作四十二首寄來、命僕繼和。其間如瘵絮四百字、車斜二十篇者流、皆韻劇辭殫、瓌奇怪譎。又云、今足下果用所長、過蒙見宥。然敵則氣作、急則計生。四十二章、麾掃並畢。按先言四十三首、後言四十二章、差一篇。正是和晨興詩。太和二年秋、已有此詩。見因繼集重序。今和者四十二首。其中二十首、爲和春深二十首。劉禹錫有同樂天和微之深春好二十首。自注云、同用家花車斜四韻。序中云車斜二十篇者、正謂此作。和微之詩二十三首者、四十三首中、除和春深二十首而言耳。岑仲勉云、先云四十三首、然今存二十三首、非白氏自行刪汰、卽傳本有闕矣、誤也。但和我年三首等、太和二年作。故云我年五十七。和除夜作云、我和此

詩日、微和春之初。和自勸第二云、請看韋孔與錢崔、半月之間四人死。韋謂處厚、太和二年十二月歿。孔謂戢。錢謂微。崔謂植。俱太和三年正月歿。二十三首中、一半是太和三年春作。

三月五日、劉白唱和集二卷成、作解。

解 2930 云、一二年來、日尋筆硯。同和贈答、不覺滋多。又云、太和三年春已前、紙墨所存者、凡一百三十八首。其餘乘興扶醉、率然口號者、不在此數。因命小姪龜兒、編錄勒成兩卷。劉白唱和詩、見拙稿劉白唱和集稿。

月末、百日假滿、罷官。新除太子賓客分司。

有酬令狐相公春日尋花見寄六韻 2646 云、病臥帝王州、花時不得遊。老應隨日至、春肯爲人留。粉壞杏將謝、火繁桃尙稠。自題新昌居止因招楊郎中小飲 2649 云、春風小榼三升酒、寒食深爐一碗茶。病免後喜除賓客 2718 云、臥在漳濱滿十旬、起爲商皓伴三人。

時有和微之春日投簡陽明洞天五十韻 2651·想東遊五十韻 2717。

想東遊序云、太和三年春、予病免官後、憶遊浙右數郡、兼思到越一訪微之。詩云、一吟江月別、七見日星周。

四月初、發長安、經陝州、到洛陽。

裴度·劉禹錫·張籍送行、有宴興化池亭送白二十二東歸聯句 3724。張籍云、岸蔭新抽竹、亭香欲變梅。禹錫云、晚晴槐起露、新暑石添苔。將去洛陽時、朝賢悉會興化池亭送別。酒酣各請一字以題爲韻。令狐楚賦山、王起賦花、李紳賦月、魏扶賦愁、韋式賦竹、張籍賦花、范堯佐賦書。白居易賦詩。有陝府王大夫相迎偶贈 2720 云、伴我絲槐陰下歇、向君紅旆影前行。王大夫謂陝虢觀察使王起。別陝州王司

馬 2721 云、笙歌惆悵欲爲別、風景闌珊初過春。王司馬謂建。將至東都先寄令狐留守 2722 云、惜逢金谷三春盡、恨拜銅樓一月遲。令狐留守謂楚。歸履道宅 2725 云、往時多暫住、今日是長歸。陳譜云、自是迄公薨、凡十八年在洛、終不渝長歸之語。舊史云、太和後、宗閔德裕朋黨事起。穎士虞卿與宗閔善、居易妻、穎士從父妹也。居易懼以黨人見斥、乃求置身散地。凡所居官、未嘗終秩、率以病免。識者多之。

與崔玄亮往來、以詩贈答。

先有答崔十八見寄 2723 云、君乞曹州刺史替、我拋刑部侍郎歸。崔十八名玄亮。時由祕書少監改除曹州刺史、但謝病不就。三月至洛陽閑居。有同崔十八寄元浙東王陝州 2730、同崔十八宿龍門 2749、遊平泉贈晦叔 2748、雨中訪崔十八 2753 諸詩。

六月三十日、祭韋處厚。有祭文。

祭中書韋相公文 2931 云、至若與公同科第、聯官寮。奉笑言、蒙推獎。窮通榮悴之感、離合存歿之悲、盡成虛空、何足言歎。韋處厚、太和二年十二月歿。集中屢見韋大·韋相公·韋開州、悉是處厚。

九月二十日、元稹代韋弘景、爲尙書左丞、自浙東來過洛陽。居易與元稹會。

嘗黃醅新酎憶微之 2816 云、元九計程殊未到、甕頭一盞共誰嘗。酬別微之 2819 云、君歸北闕朝天帝、我住東京作地仙。太和五年作祭微之文 2934 云、公拜左丞、自越過洛。醉別愁淚投我二詩云、君應怪我留連久、我欲與君辭別難。白頭徒侶漸稀少、明日恐君無此歡。又曰、自識君來三度別、這迴白盡老髭鬚。戀君不去君須會、知得後迴

相見無。吟罷涕零、執手而去。按元詩二首、今本元氏長慶集不載。全唐詩補逸卷中始補之。

冬、阿崔生。元稹亦有道保。共喜作詩。

有予與微之老而無子發於言歎著在詩篇今年冬各有一子戲作二什一以相賀一以自嘲 2820。又有阿崔 2825 云、豈料鬢成雪、方看掌弄珠。是歲有池上篇 2928。

序云、太和三年夏、樂天始得請爲太子賓客、分秩於洛下、息躬於池上。

七月、楊汝士除知制誥。十二月、敏中遷郿寧。是年楊虞卿爲左司郎中。

太和四年庚戌 五十九歲 (西紀八三〇)

頻遊寺堂、有時行香。又在家齋戒。

有晚起 2828 云、北闕停朝簿、西方入社名。唯吟一句偈、無念是無生。閑吟第一 2833 云、官寺行香少、僧房寄宿多。行香歸 2839 云、出作行香客、歸如坐夏僧。晨興 2922 云、何以解宿齋、一杯雲母粥。又屢遊龍門。

偶吟第一 2775 云、靜念道經深閉目、閑迎禪客小低頭。猶殘少許雲泉興、一歲龍門數度遊。

時與徐凝交遊。

有期宿客不至 2772 云、宿客不來嫌冷落、一樽酒對一張琴。徐凝有和侍郎邀宿不至。居易有夜題玉泉寺 2777。凝有和夜題玉泉寺。又有侍郎宅泛池等諸篇。徐凝見開成三年作憑李睦州訪徐凝山人 3385。二月與元軍亂、李絳學家遇害。七月十九日、與少府監李翱、祭李絳。

有祭李司徒文 2933 云、居易應進士時、以鄙劣之文、蒙公稱獎。在翰林日、以拙直之道、蒙公扶持。又云、契闊綢繆、三十餘載。至於豆觴之會、軒蓋之遊、多奉光塵、最承歡惠。眷遇既深於常等、痛憤實倍於衆情。首作歲次戊戌誤。

秋、與元稹唱和。

有戲和微之答竇七行軍之作 2844 云、春裝秋未寄、謾道有閑錢。稹

原篇是戲酬副使中丞見示四韻。居易自注云、依本韻。按本韻之外、

加兩韻。竇七名輩。見東南行一百韻 0908。又有和微之任校書郎日

過三鄉 2857·和微之十七與君別及隴月花枝之詠 2868·和微之歎槿

花 2859·和微之道保生三日 2862 等諸篇。

十二月、除河南尹。

有早飲醉中除河南尹勅到 2872 云、雪擁衡門水滿池、溫爐卯後暖寒

時。綠醅新耐嘗初醉、黃紙除書到不知。太和五年春、有六十拜河南

尹 2886。汪譚、除河南尹事、繫之五年誤。

冬、病眼。

有除夜 2873 云、病眼少眠非守歲、老心多感又臨春。病眼花 2871

云、花發眼中猶足怪、柳生肘上亦須休。大窠羅綺看纔辨、小字文書

見便愁。

是歲、皇甫湜歿。有哭詩。

哭皇甫七郎中 2863 云、不得人間壽、還留身後名。涉江文一首、便

可敵公卿。

又有勸酒十四首。

序 2756 云、予分秩東都、居多暇日。閑來輒飲、醉後輒吟。

太和五年辛亥 六十歲 (西紀八三一)

夏、府西池北、新葺水齋、好而居之。

府西池北新葺水齋即事招賓偶題十六韻 2879 云、讀罷書仍展、暮終

局未收。午茶能散睡、卯酒善銷愁。雍陶有和河南白尹西池北新葺水

齋招賓十二韻。居易又有重修府西水亭院 2887·水堂醉臥問杜三十

一 2889。

有時歸履道里宅。

履道池上作 2885 云、家池動作經旬別、松竹禽魚好在無。

秋初、崔兒死。年三歲。有哭詩。

哭崔兒 2880 云、掌珠一顆兒三歲、鬢雪千莖父六旬。初喪崔兒報微

之晦叔 2881 云、文章十帙官三品、身後傳誰庇廢誰。又有府齋感懷

酬夢得 2882 云、勞寄新詩遠安慰、不聞枯樹更生枝。劉禹錫有答樂

天所寄詠懷且釋其枯樹之歎。

七月二十二日、元稹遇暴疾、一日而歿於武昌。八月有哭詩。十月十七

日有祭文。

有哭微之二首、第 11 2784 云、文章卓犖生無敵、風骨精靈歿有神。

哭送咸陽北原上、可能隨例作埃塵。管見抄白氏文集有第三、云、今

生豈有相逢日、未死應無暫忘時。從此三篇收淚後、終身無復更吟詩。

祭微之文 2934 云、貞元季年、始定交分。行止通塞、靡所不同。金

石膠漆、未足爲喻。死生契闊者三十載。歌詩唱和者九百章、播於人

間。諸本作歲次己亥誤。

晚秋、送敏中歸幽寧幕。

有詩 2600 云、六十衰翁兒女悲、傍人應笑爾應知。

十月十二日、劉禹錫除蘇州刺史、過洛陽。居易與禹錫會。

與劉蘇州書 2925 云、僕方守三川、得爲東道主。閣下爲僕稅駕十五日、朝觴夕詠、頗極平生之歡。各賦數篇、視草而別。有初見劉二十八郎中有感 2786 · 送劉郎中赴任蘇州 2787 · 福先寺雪中餞劉蘇州 2788 · 醉中重留夢得 2789 等。禹錫又有酬答。陳譜、會宴繫之六年冬誤。

太和六年壬子

六十一歲

(西紀八三二)

春、有府酒五絕 2896。變法·招客·辨味·自勸·諭妓是也。
夏、大熱旱。有詩。

贈韋處士六年夏大熱旱 2219 云、驕陽連毒暑、動植皆枯槁。旱日乾密雲、炎煙燹茂草。韋處士謂韋楚。見醉吟先生傳。自太和四年作秋遊平泉贈韋處士閑禪師以後、屢見。時稱韋山人·韋徵君拾遺。

與舒元興交遊。

有苦熱中寄舒員外 2304 · 九日代羅樊二妓招舒著作 2245 · 舒員外遊香山寺數日不歸兼辱尺書大誇勝事 2307 等諸篇。元興、太和五年八月、改授著作郎分司、在洛陽。

爲白寂然作沃洲山禪院記。

記 2921 云、今日白樂天又垂文茲山。異乎哉、沃洲山與白氏、其世有緣乎。

六月二十六日、薦前海州刺史李晏·平泉處士韋楚。

薦李晏韋楚狀 2923 云、念功振滯、前王之令猷、貢士推能、長吏之本職。其李晏韋楚並居府界、不踐公門、臣實諳知、輒敢論薦。

七月十二日、葬元稹於咸陽。有墓誌銘及挽歌。

河南元公墓誌銘 2939 云、未康吾民、未盡吾道。在公之心、則爲不了。嗟呼哉、道廣而俗隘、時矣夫。心長而運短、命已矣夫。嗚呼微之、已矣夫。元相公挽歌詞三首、第一 2694 云、銘旌官重威儀盛、騎吹聲繁鹵簿長。後魏帝孫唐宰相、六年七月葬咸陽。

八月一日、修香山寺成。

有修香山寺記 2922 云、去年秋、微之將薨、以墓誌文見託。爲謝文之贊、來致於予。予念平生分、文不當辭、贊不當納。自秦抵洛、往返再三。訖不得已、回施茲寺。末云、乘此功德、安知他劫不與微之結後緣於茲土乎。又有初入香山院對月 3274 云、老住香山初到夜、秋逢白月正圓時。

同日、崔群歿於長安。十月二十四日有祭文。

有寄劉蘇州 2700 云、去年八月哭微之、今年八月哭敦詩。何堪老淚交流日、多是秋風搖落時。敦詩名群。又祭崔相公文 2945 云、與公齒髮、甲子同年。兩心相期、三逕之間、優遊攜手、而終老焉。嗚呼、易失者時、難忱者天。既奪我志、又殲我賢。
冬、與崔玄亮往來。

有夜招晦叔 2708 · 贈晦叔憶夢得 2909 · 醉後重贈晦叔 2910 · 六年冬暮贈崔常侍晦叔 3052 · 答崔賓客晦叔十一月四日見寄 2247 · 十一月二十三日作兼呈晦叔 3054 等諸篇。晦叔名玄亮。時由右散騎常侍移太子賓客分司、居洛陽。

十二月二十五日、循州司戶杜元穎歿。有詩。

七年元日對酒第五 3059 云、同歲崔何在、同年杜又無。自注云、余與吏部崔相公甲子同歲。與循州杜相公及第同年。秋冬二人俱逝。

是年、劉白吳洛寄和卷成。

有與劉蘇州書 2925 云、得儁之句、警策之篇、多因彼唱此和中得之。他人未嘗能發也。所以輒自愛重、今復編而次焉。以附前集、合成三卷、題此卷爲下、遷前下爲中。末云、自太和五年冬送夢得之任之作始。諸本五年作六年、今校改。

太和七年癸丑 六十二歲 (西紀八三三)

元日、有對酒五首。

第 1 3056 云、年開第七秩、屈指幾多人。

二月、以病乞五旬假。

春題府廳 3060 云、潦倒守三川、因循涉四年。又云、雖非好官職、歲久亦妨賢。酬舒三員外見贈長句 3065 云、自請假來多少日、五旬光景似須臾、已判到老爲狂客、不分當春作病夫。

三月、假滿、罷官、歸履道里宅。

將歸一絕 3066 云、欲去公門返野扉、預思泉竹已依依。又有罷府歸舊居 3067。

四月、有詠興五首 2956。

一曰解印出公府、二曰出府歸吾廬、三曰池上有小舟、四曰四月池水滿、五曰小庭亦有月。

二十五日、再除太子賓客分司。

有再授賓客分司 2961 云、俸錢七八萬、給受無虛月。分命在東司、又不勞朝謁。

七月十九日、崔玄亮遇疾、歿於虢州廨舍。有哭詩。

有哭崔常侍晦叔 2966 云、丘園共誰卜、山水共誰尋。風月共誰賞、

詩篇共誰吟。花開共誰看、酒熟共誰斟。又云吾道自此孤、我情安可任。又有微之敦詩晦叔相次長逝巍然自傷一絕、第 1 3078 云、只應嵩洛下、長作獨遊人。

閏七月、太子賓客分司李紳、授檢校左散騎常侍、兼越州刺史、充浙東觀察使、將發洛陽。居易送行。

有醉送李二十常侍赴鎮浙東 3087 云、靖安客舍花枝下、共脫青衫典濁醪。今日洛橋還醉別、金盃翻汗麒麟袍。

時與僧多交。

有喜照密閑實四上人見過 3076 云、官秩三迴分洛下、交遊一半在僧中。照謂神照。閑謂清閑。密謂宗密。實謂宗實。

冬、送舒元興赴長安。

送舒著作重授省郎赴闕 3104 云、三歲相依在洛都、遊花宴月飽歡娛。又有履信池上櫻島上醉後走筆送別舒員外 2969 云、歲晚無花空有葉、風吹滿地乾重疊。

太和八年甲寅 六十三歲 (西紀八三四)

有時坐禪齋戒。

有拜表迴閑遊 3126 云、八關淨戒齋銷日、一曲狂歌醉送春。早服雲母散 3130 云、每夜坐禪觀水月、有時行醉翫風花。

三月十九日、裴度爲東都留守兼侍中到洛陽。於集賢里第、築山穿池。居易頻往來。

有侍中晉公欲到東洛先蒙書問 3134。奉和晉公侍中蒙除留守 3135。奉酬侍中夏中雨後遊城南莊見示八韻 3171。夜宴醉後留獻裴侍中 3187。集賢池答侍中問 3189。和裴侍中南園靜興見示 3012。

夏、有畫彌勒上生幀贊。

序 2943 云、發大誓願、願生內宮。劫劫生生、親近供養。按本經云、可以除九十億劫生死之罪也。有彌勒弟子白樂天同是願。

時、與皇甫曙往來。

有對晚開夜合花贈皇甫郎中 3183・酬皇甫郎中對新菊見憶 3186・答皇甫十郎中秋深酒熟見憶 3191。皇甫十字朗之。見會昌二年作出齋

日喜皇甫十早訪 3575。太和九年有龍門送別皇甫澤州赴任韋山人南遊 3222。唐文拾遺、金剛經幢記云、開成元年、五月七日建。澤州

刺史皇甫曙。曙、屢見集中。曙亦有立春日呈宮傳侍郎詩。

七月十日、編集在洛所作詩而序之。

序洛詩 2942 云、自三年春、至八年夏、在洛凡五周歲。作詩四百三十二首。除喪朋哭子十數篇外、其他皆寄懷於酒、或取意於琴。閑適有餘、酣樂不暇。苦詞無一字、憂歎無一聲。

十月、右散騎常侍祕書監崔威歿。居易有哭詩。

有哭崔二十四常侍 3170 云、伯倫每置隨身鍾、元亮先爲自祭文。莫道高風無繼者、一千年內有崔君。太和九年有祭崔常侍文 2946。威、元和二年、與行簡進士及第。居易嘗有崔威可洛陽縣令制 1564。

屢遊平泉。

有早夏遊平泉迴 3132。醉遊平泉 3184 云、洛客最閑唯有我、一年四度到平泉。又有冬日平泉路晚歸 3200。平泉在龍門。早夏遊平泉、泉諸本作原。今從小野道風筆玉泉帖。

十一月末、入百日齋戒。

太和九年作二月一日作贈韋七庶子 3015 云、停杯一百日、明朝二月

一。韋七名續。

太和九年乙卯 六十四歲 (西紀八三五)

二月七日、祭崔威。

祭崔常侍文 2946 云、嗚呼重易、平生知我。寢門一慟、可得而聞乎。諸本作丙午朔、七日壬子。午、子誤。子、午誤。

二月末、將旅下邳、過稠桑・壽安・同州。

西行 3019 云、藹藹二月天、閑行亦不惡。壽安流水館、硤石青山郭。往年稠桑曾喪白馬題詩廳壁今來尙存 3204 云、馬死七年猶悵望、自知無乃太多情。又有羅敷水 3205・與裴華州同過敷水戲贈 3706。別楊同州後却寄 3703 云、潘驛橋南醉中別、下邳村北醒時歸。

寒食時、到下邳。

有將歸渭村先寄舍弟 3230 云、爲報阿連寒食下、與吾釀酒掃柴扉。舍弟謂敏中。時丁母喪。見太原白府君墓誌銘序 2941。

三月末、發下邳、到洛陽。

東歸 3020 云、前夕宿三堂、今旦遊申湖。殘春三百里、送我歸東都。自注云、三堂在魏、申湖在陝。西還壽安路西歇馬 3701 云、去家纔百里、爲客只三旬。汪立名編訂本補遺、有別楊同州後却寄 3703・狐泉店前作 3704・贈盧續 3705・與裴華州同過敷水戲贈 3700・西還壽安路西歇馬 3701・壽安歇馬重吟 3697 等諸篇。按舊鈔金澤文庫本卷六十五、載在路逢青州王大夫赴鎮立馬贈別 3206 後、而其次序不同。則知此數首係下邳往還作也。岑仲勉云、居易自大和九年後、未嘗聞其西歸、恐非。說見拙著白氏文集批判研究。

四月二十八日、有禮部尙書崔公墓誌銘。

崔公謂玄亮。太和七年歿，至此有墓誌銘。序 2940 云、唐有通四科達三教者、曰惟崔公。又云、居易不佞、辱與公游者、三十餘年。年老分深、定爲執友。

五月、齋戒。

五月齋戒罷宴徹樂聞韋賓客皇甫郎中飲會亦稀又知欲攜酒饌出齋先以長句呈謝 3212 云、散齋香火今朝散、開素盤筵後日開。韋賓客謂續。早熱、憶楊虞卿。

有早熱二首、第一 3026 云、勃勃早塵氣、炎炎赤日光。飛禽颺將墮、行人渴欲狂。何處堪避暑 3036 云、如何三伏月、楊尹謫虔州。時虞卿貶虔州司馬同正。

有盤石銘。

序 2947 云、太和九年夏、有山客贈余盤石、轉實於履道里第。時屬炎暑、坐臥其上。

編次白氏文集六十卷、納於廬山東林寺經藏。

有記 2948 云、今、余前後所著文、大小合二千九百六十四首、勒成六十卷。又云、依遠公文集例、不借外客、不出寺門。

九月九日、替楊汝士除同州刺史、以病辭之。

詔授同州刺史病不赴任因詠所懷 3224 云、同州慵不去、此意復誰知。寄楊六侍郎 3225 云、西戶最榮君好去、左馮雖穩我慵來。時楊汝士除駕部侍郎。見舊文宗紀。本傳作開成元年誤。

十月二十三日、除太子少傅分司、封馮翊縣開國侯。

見舊文宗紀。自賓客遷太子少傅分司 3031 云、勿謂身未貴、金章照紫袍。從同州刺史改授太子少傅分司 3234 云、月俸百千官三品、朝

廷雇我作閑人。諸本作二品誤。汪諱云、開成元年、是年六十五。除同州刺史、不拜。改太子少傅分司、誤。

十一月二十一日、甘露變起。李訓舒元興等、謀誅宦官。未果。仇士良殺舒元興·王涯·賈餗等。有詩。

詠史 3033 云、彼爲蘊醢几上盡、此作鸞皇天外飛。自注云、九年十一月作。又有九年十一月二十一日感事而作 3228 云、禍福茫茫不可期、大都早退似先知。當君白首同歸日、是我青山獨往時。陳諱云、初江州之貶、王涯有力焉。說者因是謂公幸之。惟東坡蘇公云、樂天豈幸人之禍者哉。蓋悲之也。以愚觀之、其悲涯輩之禍、而幸己之不與者乎。又有詔下 3037 等諸篇。

冬、嫁女阿羅於談弘譽。

醉吟先生墓誌銘序 3798 云、一女適監察御史談弘譽。有詠懷 3232 云、向平婚嫁了無累、馮翊符章封却還。自注云、時阿羅初嫁。弘譽見開成二年三月三日河南尹李待價以人和歲稔將禳於洛濱 3312。

劉禹錫將赴同州、過洛陽。居易與禹錫會。

有閑臥寄劉同州 3239 · 喜見劉同州夢得 3241 · 裴令公席上贈別夢得 3242。禹錫亦有酬樂天閑臥見憶·酬喜相遇同州與樂天替代。禹錫十月二十三日授同州刺史。

開成元年丙辰 六十五歲 (西紀八三六)

春初、遊少室山三宿。

早春題少室東巖 3249 云、三十六峯晴、雪銷嵐翠生。月留三夜宿、春引四山行。少室爲嵩山西峯。

裴度午橋綠野草堂成。居易屢遊之、與裴度以詩贈答。

有奉和裴令公新成午橋莊綠野堂卽事 3235·奉和令公綠野堂種花 3255 等。裴度、太和九年十月、進位中書令。

晚春、楊汝士、將葬楊虞卿、到洛陽。

有喜與楊六侍郎同宿 3260·殘春詠懷贈楊慕巢侍郎 3261。殘春詩云、莫說傷心事、春風酒易悲。傷心事謂楊虞卿死。居易有哭師臯 3041 云、南康丹旆引魂迴、洛陽籃舁送葬來。又云、妻孥兄弟號一聲、十人腸一時斷。師臯爲虞卿字。

有時稱居士。

題天竺南院贈閑振元旻上人 3040 云、白衣一居士、方袍四道人。時李紳除河南尹、居易賀之。

有春盡日天津橋醉吟呈李侍郎 3263。

閏五月十二日、編次白氏文集六十五卷、納於洛陽聖善寺鉢塔院律疏庫樓。

記 2949 云、將尋前好、且結後緣。故以斯文實于是院。其集七帙、六十五卷、凡三千二百五十五首。鉢塔院故長老是如滿太師。太師嘗授居易八關齋戒。故今有此納。李紳作詩以美之。詩云、寄玉蓮花藏、緘珠貝葉局。是歲、有聖善寺鉢塔院主智如和尚茶毗幢記 2937。

六月、避暑於香山寺。

香山避暑二絕第 1 3266 云、六月灘聲如猛雨、香山樓北暢師房。時有香山下下居 3269。又有宿香山寺酬廣陵牛相公見寄 3271。

七月十日、太子少傅皇甫鏞、歿於洛陽宣教里第。十月三日、有皇甫公墓誌銘。

序 2950 云、居易辱與公遊、迨二紀矣。又云、皆同官東朝、分務東

周。在寮友間、知聞最熟。集中有贈答詩。屢稱皇甫六·皇甫庶子·皇甫監·皇甫賓客、凡是鋪。

中秋、劉禹錫、以足疾罷同州刺史、到洛陽、授太子賓客分司。

有喜夢得自馮翊歸洛兼呈令公 3282 云、上客新從左輔迴、高陽興助洛陽才。已將四海聲名去、又占三川風景來。三川諸本作三春誤。今從蓬左文庫本校改。又有和令公問劉賓客歸來稱意無之作 3284·酬夢得窮秋夜坐卽事見寄 3285·答夢得秋庭獨坐見贈 3287。禹錫亦又有贈答詩。時禹錫足疾。見子劉子自傳。

是年、劉白唱和集第四卷、汝洛集成。

見劉禹錫汝洛集引。

開成二年丁巳 六十六歲 (西紀八三七)

三月三日、河南尹李珣、禊於洛濱。東都留守裴度邀集白居易·劉禹錫·談弘著等十五人、宴於舟中。居易有詩。

序 3312 云、盡風光之賓、極遊泛之娛。美景良辰、賞心樂事、盡得於今日矣。

四月、祕書監張仲方、歿於長安新昌里第。年七十二。八月、歸葬於河南府。

有張公墓誌銘 2951·序云、居易與公、少同官老同遊。交心慕德、久而彌篤。贈答詩、集中頗見。特多自太和七年三月、由左散騎常侍移太子賓客分司、至八年十二月、再除左騎常侍歸長安間。當時稱張十五·張賓客·張常侍。

五月三日、裴度除太原尹北都留守、河東節度使。七月、居易贈五言四十字韻 3333、以頌德。

牛僧孺替裴度、除東都留守、由揚州到洛陽、以詩贈答。

有同夢得酬牛相公初到洛中小飲見贈 3324 云、淮南揮手拋紅旆、洛下迴頭向白雲。政事堂中老丞相、制科場裏舊將軍。僧孺、元和三年制科及第。時、居易爲制策考官。又有酬思黯戲贈 3339 云、鍾乳三千兩、金釵十二行。思黯爲僧孺字。

十月二十七日、談氏外孫女生。名引珠。

有小歲日喜談氏外孫女孩滿月 3336 云、新年逢吉日、滿月乞名時。

自注云、因名引珠。冬至、十一月十六日。小歲日、二十六日。

十一月十七日、令狐楚歿。居易哀吟悲歎、寄情於詩。

題 3341 云、令狐相公、與夢得交情素深。眷予分亦不淺。一聞薨逝、相顧泫然。旋有使來、得前月未歿之前、數日書及詩寄贈。白詩云、最感一行絕筆字、尙言千萬樂天君。

是歲有齒落辭。

序 2952 云、開成二年、予春秋六十六。瘠黑衰白、老狀具矣。而雙齒又墮、慨然感歎者久之。因爲齒落辭以自廣。

開成三年戊午 六十七歲 (西紀八三八)

正月、長齋。

早春持齋答皇甫十見贈 3348 云、帝城花笑長齋客、二十年來負早春。戲贈夢得兼呈思黯 3349 云、月終齋滿誰開素、須詭奇章置一筵。酬皇甫十早春對雪見贈 3351 云、忍心三兩日、莫作破齋人。又五月長齋。酬夢得以予五月長齋延僧徒絕賓友見戲十韻 3357 云、三春多放逸、五月暫修行。又九月齋戒。九月八日酬皇甫十見贈 3382 云、君方對酒綴詩章、我正持齋坐道場。開成四年作書事詠懷 3401 云、日

遭齋破用、春賴閏加添。自注云、每月常持十齋。

二月一日、有蘇州南禪院千佛堂轉輪經藏石記。

記 2954 云、千佛堂轉輪經藏者、先是郡太守居易發心。諸本作開成一十一年誤。

三月、遊龍門香山寺。

有奉和裴令公三月上巳遊太原龍泉憶去歲禊洛見示之作 3358 云、今

歲暮春上巳、獨立香山下頭。又有遊平泉宴澗澗宿香山石樓贈座客

3515。

春、裴度贈馬。居易以詩酬。

酬裴令公贈馬相戲 3346 云、安石風流無奈何、欲將赤驥換青娥。自

注云、裴詩云、君若有心求逸足、我還留意在名姝。蓋引妾換馬戲、意亦有屬也。

時有好事者、於屏風畫居易像。有詩。

自詠 3380 云、臥疾瘦居士、行歌狂老翁。仍聞好事者、將我畫屏風。是歲有醉吟先生傳。

傳 2953 云、性嗜酒耽琴淫詩。凡酒徒琴侶詩客、多與之遊。遊之外、棲心釋氏、通學小中大乘法。與嵩山僧如滿爲空門友、平泉客韋楚爲山水友、彭城劉夢得爲詩友、安定皇甫期之爲酒友。每一相見、欣然忘歸。又云、若捨吾所好、何以送老。因自吟詠懷詩云、抱琴榮啓樂、縱酒劉伶達。放眼看青山、任頭生白髮。不知天地內、更得幾年活。從此到終身、盡爲閑日月。詩是洛陽有愚叟 3005。縱酒作荷鍾。

開成四年己未 六十八歲 (西紀八三九)

二月二日、納白氏文集六十七卷於蘇州南禪院千佛堂。

記 2955 云、凡三千四百八十七首。又云、願以今生世俗文字放言綺

開成五年庚申 六十九歲

(西紀八四〇)

語之囚、轉爲將來世世、讚佛乘轉法輪之緣也。

正月文宗崩、武宗即位。

十月六日旦、始得風痺疾。體癢目眩、左足不支。

正月猶病臥。

見病中詩十五首序 3408。序云且字、諸本作且。今從金澤文庫本。

疾少閑、作賣駱馬·別柳枝等十五首。

病入新正 3435 云、枕上驚新歲、花前念舊歡。臥疾來早晚 3436 云、臥疾來早晚、綿綿將十旬。強起迎春戲寄思黯 3437 云、杖策人扶廢

自解 3422 云、我亦定中觀宿命、多生債負是歌詩。不然何故狂吟詠、

病身、晴和強起一迎春。

病後多於未病時。

三月、漸得小康。

十月十五日、爲楊漢公作白蘋洲五亭記。

老病相仍以詩自解 3440 云、昨因風廢廿長往、今遇陽和又小康。春

記 3604 云、開成三年、弘農楊君爲刺史。乃疏四渠、濬二池、樹三

暖 3442 云、風痺宜和暖、春來腳校輕。殘春晚起伴客笑談 3443 云、

園五亭。卉木荷竹舟橋廊室、泊遊宴息宿之具、靡不備焉。楊君名漢

策杖強行過里巷、引盃閑酌伴親賓。

公、楊汝士弟。見和楊六尚書喜兩弟漢公轉吳興魯士賜章服 3379。

十五日、有畫西方幀記。

有不能忘情吟。

記 3605 云、居易當衰暮之歲、中風痺之疾。乃捨俸錢三萬、命工人

序 3610 云、樂天既老、又病風。乃錄家事、會經費、去長物。歌云、

杜宗敬、按阿彌陀無量壽二經、畫西方世界一部。

駱、駱、爾勿嘶。素、素、爾勿啼。駱反廐。素反閨。陳譜云、按劉

又有畫彌勒上生幀記。

禹錫和公詩云、春盡絮飛留不得、隨風好去落誰家。公又戲答云、柳

記 3606 云、香山居士太原白樂天、年老病風。因身有苦、遍念一切

老春深日又斜、任他飛入別人家。他日又有春隨樊子一時歸之句、則

惡趣衆生、願同我身離苦得樂。

是柳枝竟去也。意其初疾、欲放而後留、至明年春乃去耳。舊唐書本

月末、放樊素。

傳云、十月得風痺之疾、乃放諸妓女樊蠻等、殆約略之辭。

春盡日宴罷感事獨吟 3446 云、五年三月今朝盡、客散筵空獨掩扉。

歲暮、猶患足疾。

病共樂天相伴住、春隨樊素一時歸。前有別柳枝絕句夢得繼和云春盡

歲暮病懷贈夢得 3423 自注云、時與夢得同患足疾。

絮飛留不得隨風好去落誰家又復戲答 3448 云、柳老春深日又斜、任

是歲有唐東都奉國寺禪德大師照公塔銘。

他飛向別人家。劉禹錫詩是楊柳枝九首之第九。老病幽獨偶吟所懷

序 3609 云、大師、開成三年十一月示滅。照公號神照。見贈僧五首

3461 云、觴詠罷來賓閣閉、笙歌散後妓房空。會昌元年作對酒有懷

第11 2805·神照禪師同宿 2976 等。

寄李十九郎中 3494 云、往年江外拋桃葉、去歲樓中別柳枝。桃葉謂

陳結之。柳枝謂樊素。

夏、談氏外孫生。喜而成篇。

談氏外孫生三日喜是男偶吟成篇兼戲呈夢得 3450 云、玉牙珠顆小男兒、羅薦蘭湯浴罷時。會昌二年作談氏外孫玉童 3597 云、外翁七十孫三歲、笑指琴書欲遣傳。白氏集後記 3673 云、外孫談闈童。

七月、有開成大行皇帝挽歌詞三首。

第三首 3453 云、嚴恭七月禮、哀慟萬人心。第一 3451 云、開成與貞觀、實錄事多同。諸本作四首。金澤文庫本作三首、化成同軌表清平一首、題作又一首。當從金澤文庫本。

九月二十五日、香山寺新修經藏堂成。有記。

記 3607 云、新舊大小乘經律論集、凡五千二百七十卷、乃作六藏、分而護焉。末云、道場主佛弟子香山居士樂天。

時遊香山寺。

五年秋病後獨宿香山寺三絕句、第一 3466 云、經年不到龍門寺、今夜何人知我情。第三 3468 云、石盆泉畔石樓頭、十二年來晝夜遊。題香山寺新經堂招僧 3469 云、誰能來此尋真諦、白老新開一藏經。十一月二日、納白氏洛中集十卷於香山寺經藏堂。

記 3608 云、太和三年春、樂天始以太子賓客、分司東都。及茲十有二年矣。其間賦格律詩、凡八百首。又云、我有本願、願以今生世俗文字之業、狂言綺語之過、轉爲將來世世讚佛乘之因、轉法輪之緣也。冬、有自戲三絕句。一曰心問身、二曰身報心、三曰心重答身。

第一 3480 云、放君快活知恩否、不早朝來十二年。諸本作十一年誤、今從金澤文庫本。

武宗會昌元年辛酉

七十歲

(西紀八四一)

春、與劉禹錫屢會飲。

會昌元年春五絕句、第一病後喜過劉家 3483 云、誰能料得今春事、又到劉家飲酒來。第五勸夢得酒 3487 云、兩處榮枯君莫問、殘春更醉兩三觴。新唐書劉禹錫傳云、會昌初、除檢校禮部尚書。劉禹錫子劉子自傳云、又改祕書監。一年加檢校禮部尚書。按禹錫爲祕書監、在開成四年冬。見白居易酬夢得貧居詠懷見贈 3295 自注。居易有盧尹賀夢得會中作 3485 云、病聞川守賀筵開、起伴尚書飲一盃。尚書謂禹錫。是時禹錫始爲尚書。羅聯添劉禹錫年譜、據歲暮呈思黯相公皇甫朗之及夢得尚書 3421 云、開成三年禹錫爲祕書監。開成四年爲尚書。然舊鈔本、本無呈以下十四字。羅說非是。

早熱。憶潮州楊嗣復。

早熱 3491 云、畏景又加旱、火雲殊未秋。又云、若爲當此日、遷客向炎洲。自注云、時楊李二相、各貶潮韶。楊謂嗣復。李謂珣。又有寄潮州繼之 3497。繼之爲嗣復之字。

夏、遊香山。與如滿大師會。

有山下留別佛光和尙 3474 云、我已七旬師九十、當知後會在他生。如滿、時居佛光寺東芙蓉山蘭若。見佛光和尙真贊 3797。

又遊嵩陽。

有山中五絕句、第一嶺上雲 3475 云、嶺上白雲朝未散、田中青麥旱將枯。第三林下樗 3477 云、知有無材老樗杏、一枝不損盡天年。蓋自喻也。第四澗中魚 3478 云、鯨吞蛟鬪波成血、深澗遊魚樂不知。鯨吞蛟鬪、謂武宗卽位當時之形勢。

時、敏中除戶部員外郎。居易送行贈詩。

送敏中新授戶部員外郎西歸 3553 云、千里歸程三伏天、官新身健馬翩翩。又自注云、長慶初、予爲主客郎中知制誥、遷中書舍人。去今二十年也。時、敏中爲殿中侍御史分司、在洛陽。見和敏中洛下卽事 3552。送敏中詩、陳譜繫之會昌二年誤。

秋、東都留守李程、過白居易宅。談及翰林舊事、有感作詩。

李留守相公見過池上汎舟舉酒 3556 云、引棹尋池岸、移樽就菊叢。

又云、同時六學士、五相一漁翁。五相謂裴垍·崔群·李程·王涯·李絳。說見岑仲勉唐集質疑。

九月、齋戒。

閏九月九日偶飲 3557 云、自從九月持齋戒、不醉重陽十五年。

冬、以病請百日假。百日假滿少傅官停自喜言懷 3490 云、長告今朝滿十旬、從茲蕭灑便終身。

是歲有李公家廟碑銘 3603。李公謂李紳。

又有六讚偈。

序 3611 云、今年登七十、老矣病矣。與來世相去甚邇。故作六偈。

會昌二年壬戌 七十一歲 (西紀八四二)

春、百日假滿、罷太子少傅官、停俸。

官俸初罷親故見憂以詩諭之 3531 云、今春始病免、纓組初擺落。又
有醉中得上都親友書以予停俸多時憂問貧乏偶乘酒興詠而報之 3587。
以刑部尙書致仕、給半俸。

汪譜云、公詩有七年爲少傅。又寫真詩序、會昌二年、罷太子少傅、
爲白衣居士。又刑部尙書致仕詩、十五年來洛下居。以年考之、自是

會昌二年。按陳譜係之元年誤。又有刑部尙書致仕 3620 云、全家遁

世曾無悶、半俸資身亦有餘。會昌四年作狂吟七言十四韻 3631 云、
俸隨日計錢盈貫、祿逐年支粟滿困。自注云、尙書致仕、請半俸百斛、
亦五千。歲給祿粟二千可爲。

二月、長齋。

二年三月五日齋畢開素當食偶吟贈妻弘農郡君 3523 云、前月事齋戒、
昨日散道場。出齋日喜皇甫十早訪 3575 云、三旬齋滿欲銜盃、平旦
敲門門未開。皇甫曙、自絳州始歸洛陽。

三月、牛僧孺除東都留守、到洛陽。居易屢贈詩。

有初致仕後戲酬留守牛相公並呈分司諸寮友 3621·戲問牛司徒 3623
等諸篇。

暮春、遊香山諸寺。又置眞於香山寺藏經堂。

遊豐樂招提佛光寺 3586 云、山寺每遊多寄宿、都城暫出卽經旬。置
眞之事、見香山居士寫眞詩 3542。佛光和尙眞贊 3797 云、會昌十
年春、香山寺居士白樂天、命續以寫和尙眞而贊之。作贊、當在是時。

七月、劉禹錫歿於洛陽。有哭詩。

哭劉尙書夢得二首、第一 3601 云、四海齊名白與劉、百年交分兩綢
繆。同貧同病退閑日、一死一生臨老頭。盃酒英雄君與操、文章微婉
我知丘。賢豪雖歿精靈在、應共微之地下遊。又有感舊序 3545 云、
故李侍郎杓直、長慶元年春薨。元相公微之、太和五年秋薨。崔侍郎
晦叔、太和七年夏薨。劉尙書夢得、會昌二年秋薨。四君子、予之執
友也。二十年間、凋零共盡。唯予衰病、至今獨存。因詠悲懷。

時、談弘謩亦歿。阿羅與玉童、歸履道里宅居。有詩。

談氏小外孫玉童 3597 云、才與不才爭料得、東床空後且嬌憐。自注云、談氏初逝。又有病中看經贈諸道侶 3585 自注云、時、適談氏女子、自太原初歸。

九月十三日、白敏中爲翰林學士。見資治通鑑。舊唐書白居易附傳云、武宗皇帝、素聞居易之名。及即位欲徵用之。宰相李德裕言、居易衰病不任朝謁。因言從弟敏中、辭藝類居易。卽日知制誥、召入翰林充學士。

是歲、編次白氏後集二十卷。納於廬山東林寺。於是白氏文集七十卷成。送後集往廬山東林寺兼寄雲阜上人 3598 云、後集寄將何處去、故山迢遞在匡廬。又云、來世緣會應非遠、彼此年過七十餘。

會昌三年癸亥 七十二歲 (西紀八四三)
春、王卿除蘇州刺史。居易送之、有詩。

送王卿使君赴任蘇州因思花迎新使感舊遊寄題郡中木蘭西院 3574 云、一別蘇州十八載、時光人事隨年改。又云、爲報江山風月知、至今白使君猶在。

五月、爲牛僧孺作太湖石記。
記 3813 云、公慎擇賓客、性不苟合、居常寡徒。遊息之時、與石爲伍。石有族聚、太湖爲甲。又云、百千載後、散在天壤之內、轉徙隱見、誰復知之。欲使將來與我同好者、覩斯石、覽斯文、知公之嗜石之自、會昌三年五月癸丑記。文苑英華作丁丑誤。今從唐文粹。

會昌四年甲子 七十三歲 (西紀八四四)
春、屢出遊。

問諸親友 3622 云、七十人難到、過三更較稀。占花租野寺、嗜酒典

朝衣。趁醉春多出、貪歡夜未歸。遊趙村杏花 3619 云、七十三人難再到、今春來是別花來。趙村、見開成二年作洛陽春贈劉李二賓客 3001。末云、明日期何處、杏花遊趙村。自注云、洛城東有趙村。杏花千餘樹。劉謂禹錫、李謂仍叔。

冬、觀石雄射鷺鷥圖、有感成篇。
有見河陽石尙書破迴鶻迎貴主過上黨射鷺鷥繪畫爲圖猥蒙見示稱歎不足以詩美之 3653。石雄、會昌四年九月、除兵部尙書。

是年、開龍門八節灘九峭石。
有詩二首、序 3625 云、會昌四年、有悲智僧道遇。適同發心、經營開鑿。貧者出力、仁者施財。於戲、從古有礙之險、未來無窮之苦、忽乎一旦盡除去之。第二云、七十三翁且暮身、誓開險路作通津。又云、十里叱灘變河漢、八寒陰獄化陽春。明年又有歡喜一偈、第一

3641 云、心中別有歡喜事、開得龍門八節灘。
會昌五年乙丑 七十四歲 (西紀八四五)

春、長齋。
齋居春夕感事遣懷 3638 云、風光拋得也、七十四年春。又云、齋戒坐三旬、笙歌發四隣。

有永豐坊垂柳詞。
河南尹盧貞序云、白尙書曾賦詩、傳入樂府、遍流京都。近有詔旨取兩枝、植於禁苑。白居易和盧貞詩云、定知玄象今春後、柳宿光中添兩星。陳譜據本事詩、繫之六年、且云、盧貞爲尹、在四年七月、或只是五年春。今從汪譜。

三月二十一日、七老會於居易宅、宴後各賦詩。

白居易詩 3640 云、七人五百七十歲、拖紫紵朱垂白鬚。七老者、胡杲・吉皎・鄭據・劉眞・盧貞・張渾及白居易也。汪本補遺卷、五百七十歲作五百八十四。

夏、李元爽及如滿、到洛陽。加七老爲九老、作九老圖。

有九老圖詩 3722 云、雪作鬚眉雲作衣、遼東華表暮雙歸。陳譜云、九老者加狄兼謩・盧貞。汪譜云、狄盧雖會而不及列。

五月一日、編定白氏文集七十五卷。

有後記 3673 云、白氏前著長慶集五十卷、元微之爲序。後集二十卷、自爲序。今又續後集五卷、自爲記。前後七十五卷、詩筆大小、凡三千八百四十首。

會昌六年丙寅 七十五歲 (西紀八四六)

正月、憶牛僧孺等賦詩。

六年立春人日作 3656 云、試作循潮封眼想、何由得見洛陽春。自注云、循潮封三郡遷客。按循謂牛僧孺。潮謂楊嗣復。封謂李宗閔。

春尙作詩。

有詠身 3658 云、自中風來三歷閏、從懸車後幾逢春。周南留滯稱遺老、漢上羸殘號半人。又有自詠老身示諸家屬 2654 云、壽及七十五、俸錢五十千。末云、走筆還詩債、抽衣當藥錢。支分用事了、把背向陽眠。

五月五日、白敏中同中書門下平章事。見新唐書武宗紀。

七月三日、李紳卒。

八月、薨於履道里第。贈尙書左僕射。

舊唐書本傳云、大中元年、年七十六誤。新唐書本傳云、宣宗以詩弔。

據言云、綴玉聯珠六十年、誰教冥路作詩仙。浮雲不繫名居易、造化無爲字樂天。童子能解長恨曲、胡兒能唱琵琶篇。文章已滿行人耳、一度思卿一愴然。

十一月、葬龍門香山如滿師塔之側。

見李商隱大中三年所作太原白公墓碑銘・舊唐書本傳。

大中三年十二月、敏中上疏請諡。曰文。

見唐會要諡法上。按諡法、經緯天地曰文、道德博原曰文、勸學好問曰文、慈惠愛民曰文、愍民惠禮曰文、錫民爵位曰文。唐語林云、大中末、諫官獻疏、請賜白居易諡。上曰、何不讀醉吟先生墓表。卒不賜諡。汪立名云、商隱碑文、未嘗稱諡。賜諡之說、恐未足據也。按商隱碑先成、後賜諡。汪說誤也。

附記

詩文の篇題の下に記した數字は、白居易の作品番號であり、拙著「白氏文集の批判的研究」において設定したものである。